

**ANGAJUKKAUNET TILITSIGUTINGA SAKKITITSIGIAMUT
PIUSIUGIALINNIK PITSATUNINNILU ILAUKATAUGIAMUT KENAUJAIT
ANGIKATIGEGUTINNI PINGASUNI KATIMAJIUKATAUJUNI**

AngajukKânga Nunatsiavut, kiggatulluni uKausingitita Nunatsiavut AngajukKaunet katimajingita, Kuviasujuk **TILITSIGIAMIK** imâk:

Pitsatunik

1.

AngajukKaunet Tilitsigutinga âkKitaumajuk atâni allataumajuk 8 *kenaujanik Aulatsivillagingata PikKujangani* amma allatausimajuk 18 *Nunatsiavut kavamangata katutjiKatigenningani (Nottisivallianingita) PikKujangani.*

Tukinga

2.

kisiani allataumajuk pikKujippat asiagut, maligatsait atuttaujut tagvani Tilitsigutimmi taimâtsainak tukiKappata *kenaujanik Aulatsivillagingata PikKujangani* ammalu *Nunatsiavut kavamangata katutjiKatigenningani (Nottisivallianimmut) PikKujangani.*

Tukingit kenaujanut AngiKatigegutimmi

3.

kenaujanut AngiKatigegutet (“AngiKatigegutet”) ilautitsivut, ikillititausimangimagillutik ukuninga:

- (i) Tuniggutitsanik AngiKatigegutimmi ilautitsijuk kenaujanik kamagiamut Nunatsiavut kavamangani ammalu KaujimatitsiKattalutik pigiaKaligutik;
- (ii) Tuniggutitsanik AngiKatigegutimmi KaujimatitsiKattagiaKavut tâvatuak kenaujanik kamagatik Nunatsiavut kavamanganit;
- (iii) Tuniggusiat;
- (iv) AsiangutitauKattalutik sakKijâgettut AngiKatigegutet ilillugit nutâmut jârimut; ammalu
- (v) ÂkKigiaKattalugit sakKijâgettut AngiKatigegutet..

Jârimi kenaujanut AngiKatigegutik



4.

AngajukKânga Nunatsiavut atitâgijiugiaKavuk Jârimi kenaujanut AngiKatigegutimmi.

Atitâgigiamut PitsatuniKalluni ilonnainik asinginnik AngiKatigegutinik

5.

Minister kamagialik suliaKapvimi atitâgigiaKavuk ilonnainik AngiKatigegutinik asingit ilonnatik pijaugialet pijagettausimatualippata. Ilonnâgut kamagijaugialet AngiKatigegutet atitâttausimagiaKavut Minister kenaujalinimmut, SuliaKattuliginimmut.

AngiKatigegutet Kagguisimajut \$250,000-tut

6.

Ilonnatik AngiKatigegutet Kagguisimajut \$250,000-tut KimiggutaugiaKavut Aulatsijinganut ammalu Maligatsatigut IkKatuijimut. AtitâttauKâtinnagit kamagialimmut Ministerimut, ammalu KimiggutaugiaKavut kajusittitaullutillu Nunatsiavut AngajukKaunet katimajinginnut.

AngiKatigegutet \$25,000-mit \$250,000-mut

7.

Ilonnatik AngiKatigegutet \$25,000-mit \$250,000-mut KimiggutaugiaKavut Aulatsijimmut ammalu Maligatsatigut IkKatuijimut atitâttauKâtinnagit kamagialimmut Ministerimut.

AngiKatigegutet ikinnisait \$25,000

8.

AngiKatigegutet ikinnisait \$25,000-mit KimiggutaugiaKangitut Aulatsijimmut ammalu Maligatsatigut IkKatuijimut.

AsiangutitauKattaningit SakKijâgettut AngiKatigegutet

9.

AsiangutitaugiaKaKattaningit sakKijâgettut AngiKatigegutet pigiasijut \$25,000-mit \$250,000-mut aillutik nufâmut jârimut atitâttaugunnatut kamagialimmut Ministerimut Kimiggutaungikaluappat Aulatsijimmut ubvalu Maligatsatigut IkKatuijimut.

ÂkKigiattaugialet AngiKatigegutet ununnisanut \$25,000-tut



10.

ÂkKigiattaugiaKaningit AngiKatigegutet ununnisanut \$25,000-tut KimiggutaugiaKavut Aulatsijimmut ammalu Maligatsatigut IkKatuijimmut atitâttauKâtinnagit kamagialimmut Ministerimut.

Aulatauningit AngiKatigegutet

11.

Ilonnatik kenaujanut AngiKatigegutet, ilautillugit âkKigiattaumajut ammalu asiangutitaugiaKaKattaningit sakKijâgettut AngiKatigegutet, aititaugiaKavut SuliaKapvinganut kenaujanik Aulatsijet, kamagillugit kenaujangit, ammalu atuinnguttisillutik Kaujititsiutinik aigialinnik kenaujaKattisiKattajunut.

